

# Athör cī Paulo gät kɔc Epethuth Wēt nom

Wēt tueŋ kam kəriëec ëbën yen gät Paulo athör kënë tënë kɔc Epethuth ë wēt kënë, “Kë cī Nhialic guiir, ke bī jal thöl akölden cī tak. Ee lɔn bī yen kāk cī cak ëbën nhial ku piny mat yiic, ku tēu Raan cī lɔc ku dɔc kenhīim tueŋ.” (1:10) Kɔc cī gam aya awic ke bīk deet yic, ku bīk ya pīr kēdiit cī Nhialic guiir kënë yic. Ku bī kɔc aa tōk ëbën kek Jethu Krītho.

Abaŋ athöör yic tueŋ, acī Paulo nyuəth tē bī kɔc keyiic mat thīn, ke lēk kɔc dhël cī Nhialic kacke kuany thīn. Ku ye kēdē cī ke adumušm päl piny thīn, ku yīk kɔc lāau nom ë Wēnde Jethu Krītho. Ku aye Wēi Nhialic nyuəth ɣo lɔn bī athön Nhialic yenhom tiεŋ. Paulo ë kɔc ba athöör kueen lēk aban̄ ë rou yic, lɔn nadē ke kɔc bī ya tōk kek Raan cī lɔc ku dɔc adhīl ayic ë piērden yic kedhie. Acī jam ë waal juēc tē bī kɔc ë Nhialic luai tōk aa nyuəth thīn, ke cī röt mat kek Raan cī lɔc ku dɔc. Akut kɔc cī gam acit guöp, ku ye Raan cī lɔc ku dɔc yen nom, tēdē ke cit luak ku ye Raan cī lɔc ku dɔc mēen, tēdē ke ye tik, ku ye Raan cī lɔc ku dɔc muənyde. Athör kënë ë jam wël thiek yiic apɛi, rin raan ë gät ye agēt ë guiēr cī dhēēŋ Nhialic rēer kek Raan cī lɔc ku dɔc bēi yenhom ku yepuə. Ku kuat kəriëec ëbën aye tīŋ nhiēr Raan cī lɔc ku dɔc yic, nāk, ku päl piny adumušm, ku dhēēŋ la cök.

*Kāk tō thīn*  
Muəth tueŋ 1:1-2

Raan cī lōc ku dōc ku luanj ē Nhialic 1:3–3:21

Pīr ē yam rēer ke Jethu 4:1–6:20

Muōth ciēen 6:21-24

<sup>1</sup> Ee γen Paulo cī Nhialic kuany ba ya atuny Jethu Krītho. Tēnē kōc Nhialic rēer Epethuth, kōc cī Jethu Krītho gam piērden yic.

<sup>2</sup> Bī Nhialic Wāda kek Bānyda Jethu Krītho we gām dōr ku athiēi.

*Raan cī lōc ku dōc ē dōc wēi bēi*

<sup>3</sup> Lecku Nhialic Wun Bānyda Jethu Krītho! Rin cī γok rōt mat kek Jethu Krītho, acī yen γo yiēk dōc wēi ē riēl nhial.

<sup>4</sup> Thēer ke piny kēc cak, Nhialic acī γo kuēny bei buk aa miēthke, wēt cī γok mat kek Jethu, acī γo cōl aye kacke, kōc cīn gup awuōc.

<sup>5</sup> Rin nhiēer yen γo, acī Nhialic looi thēer lōn bī Jethu Krītho γo cōl aye miēthke, ku kēnē yen ē miet puōu Nhialic yen wīc.

<sup>6</sup> Lecku Nhialic rin kāpuōth juēc apēi cī gām γo ē path, rin cī yen Wēnden nhiēer juaar rienkua.

<sup>7</sup> Rin thon Raan cī lōc ku dōc acī γok jāl riēl jōnrac yic, rin cī adumuōōmkua pāl piny. Ku kēya, aye Nhialic nyuōth γo lōn diit dhēēnde apēi.

<sup>8</sup> Dhēēn cī gām γo ke dīt apēi, rin njiēc ku dēt yic kān.

<sup>9</sup> Acī Nhialic nyuōth γo yen kēden cī guiir bī looi, ku acuk yōk tēnē Raan cī lōc ku dōc, cōk a lōn wāar cī yen ye thiaan.

<sup>10</sup> Kē cī Nhialic guiir ke bī jāl thōl akōlden cī tak, ee lōn bī yen kāk cī cak ēbēn nhial ku piny mat yiic, ku tēū Raan cī lōc ku dōc kenhīim tuēn.

11 Ee rienke yen aye ɣo cəl aye mīth Nhialic. Kēriëc ebēn aaci Nhialic guuir këya wāthæɛr, ku ë yen ke biöök təcīt tē wic ye.

12 Këya lecku Nhialic ɣok kəc tuenj wäär cī la n̄jth tēnē Raan cī ləc ku dəc.

13 Ku emēn aya, wek aaci yic piŋ, yiny yen wēt puəth yam ye Nhialic we luək. Ku wäär cī wek Raan cī ləc ku dəc gam, aci yen we yiək Wēi Nhialic wäär cī thən ka bī yiək kacke. Wēi yen ë ye nyuəəth lən ye wek kacke.

14 Ku Wēi Nhialic yen ë ye nyuəəth lən bī ɣok kəwäär cī Nhialic thən ka bī yiək ɣo yök. Ku aye kēnē nyooth lən cī Nhialic ɣo wēer bei riel jəŋrac yic buk aa kacke. Këya, buk Nhialic aa leec akölaköl.

### *Röök ë Paulo*

15 Ku wēt kēnē, tēɣən piŋ ɣen gām cī wek wēt Bēny Jethu gam, ku nhiēr nhiɛɛr wek kacke,

16 yen akēc ɣen nhom kaŋ mäǟr ba we atak, tē röök ɣen Nhialic aya leec rienkun.

17 ɣen ë rēer ɣa thiēc Nhialic Wädan la diik, ku yen Wun Jethu Krītho, bī we gām Wēike bī we cəl anic kəŋ, ku nyuth we Nhialic bāk ŋic apath.

18 ɣen ë röök aya bāk yic ŋic. Këya bāk ŋic lən ë yen yic lən bī wek kajuēc puəth cī tō̄u tēnē we yök, rin cī yen we cəl. Ku abäk ŋic aya lən kajuēc puəth cī thən bī ke gām kacke aa thiek yiic apɛi.

19 Ku këya, abäk ŋic aya lən rielde adit kəŋ ebēn. Ku yeen alui ɣogup rin cī ɣok wētde gam. Riel lui ɣogup kēnē athōŋ ke riöldit,

20 wäär jöt yen Raan cī ləc ku dəc bei raŋ yic, kam kəc cī thou ku jöt nhial, ku nyuuc kōŋ cuēc Nhialic.

<sup>21</sup> Raan cī ləc ku dəc amac wēi ril tō nhial ebən, cək alən le kek riəldīt. Riənke aa thiek yiic tənē rin bānydīt məc. Ku aacie bāny məc emən ē röt, aabi yiic thiek tənē rin bāny bī mac aköldä.

<sup>22</sup> Ku Nhialic aci kəriëec ebən tääu yecök, ku looi bī a yen wat akut kəc cī gam pinynhom.

<sup>23</sup> Ku akut kəc cī gam yen ē guəp Raan cī ləc ku dəc, yen thiəŋ wēi Raan cī ləc ku dəc. Ku ē yen pīr gām kəriëec ebən təriëec ebən.

## 2

### *Thon cī ya pīr*

<sup>1</sup> Thēer, Nhialic aci we tēm thou rin awuöcdīt rēer wegup.

<sup>2</sup> Wäthēer wek aa we ye jəŋrac, jəŋ yen mac jakrəc ebən buəəth cök, jəŋ yen ye kəc cīi Nhialic thek wētde gam emən.

<sup>3</sup> ʏok aa ʏo thöŋ ke ke, ke ʏo pīr pīr rac. Ayeku looi kuat kək wīc guäpkua ku piäthkua. Ku pīrdan rac aye Nhialic ʏo tēm awuöc cīmən kəc kək ē luui kərəc.

<sup>4</sup> Nhialic ayer puəu, ku nhiēr nhiēer yen ʏo adīt apēi.

<sup>5</sup> Nawən cək atiëëpkua thou rin adumuööm juēc rēer ʏogup, ʏok aaci Nhialic cəl aben pīr kek Raan cī ləc ku dəc. Ku ee dhēēŋ Nhialic yen aci ʏo lušk.

<sup>6</sup> Ku rin cī ʏok aa tək kek Raan cī ləc ku dəc Jethu, Nhialic aci ʏo jət ē thou yic ku buk rēer bānyde yic nhial kek Jethu Krītho.

<sup>7</sup> Ee looi Nhialic këya rin bi kɔc aköldä piathden cïn kë thöŋ kek tiŋ, rin nhiëer yen ɣo, rin Raan ci lɔc ku dɔc Jethu.

<sup>8</sup> Rin ë piath Nhialic yen aci we kony bāk pīr rin ci wek wēt Jethu gam. Ee miöc Nhialic yen acəl we agam Jethu.

<sup>9</sup> Pīr cuk yök acie rin ë luɔida ë röt nadë ke ɣo nhiam ye.

<sup>10</sup> Ee Nhialic guöp yen aci ye looi këya. Ku rin ye yok tök kek Raan ci lɔc ku dɔc Jethu, aci ɣo cak buk këpath aa looi, ku ë yen kë ci guiir buk aa looi.

*Yök aa tök kek Raan ci lɔc ku dɔc*

<sup>11</sup> Këya, wek aa we cie kɔc Itharel. Ku këya, wek aa we ye kɔc Itharel cəl wäthëer kɔc këc ηoot. Ku kɔc Itharel aake ye röt cəl aaye kɔc ci ηoot. Ku ηuötten ye ke ηoot, ee yekë ye looi kegup ë path.

<sup>12</sup> Ku wäär wek aa we cie kɔc Raan ci lɔc ku dɔc. Wek aa we ye thäi, wek aa we cie kɔc Itharel, kɔc ci Nhialic lɔc. Wek aa we liu löŋ döör Nhialic yic, löŋ kɔc ke tit bën Jethu Bänyda. Wek aa we rëer we kuc Nhialic.

<sup>13</sup> Ëmën, rin ci wek aa tök kek Jethu Kritho, wek wäär cək mɛc wek aci bëi tēthiök rin thon Raan ci lɔc ku dɔc.

<sup>14</sup> Rin Raan ci lɔc ku dɔc aci döör looi kam kɔc Itharel ku kɔc cie kɔc Itharel rin ci yok aa kac tök. Riemde aci këwäär ke tek yiic, ku cəl ke aaye kɔc man röt nyaai.

<sup>15</sup> Aci löŋ kɔc Itharel teem köu ë thuənde, rin bi yen kɔc Itharel ku kɔc cie kɔc Itharel cəl aaye kac tök rin ci kek röt mat kek ye, ku këlä, aci döör bëi.

16 Ku thon cī Raan cī lōc ku dōc thou tim cī rīū kōu, acā kuεeth rēer kamkun nyaai. Ku thuōnde acī yen ke cōl aaye kōc Nhialic kedhie.

17 Kēya, Raan cī lōc ku dōc acī bēn ku lēk kōc Wēt Puōth Yam ē dōōr bēēi tēnē kōc ēbēn, wek kōc cie kōc Itharel wāār mec ke Nhialic ku kōc Itharel wāār thiōk ke ye.

18 Ku ē rin Raan cī lōc ku dōc yen ē γo ēbēn, kōc Itharel ku kōc cie kōc Itharel cōl aala tē rēer Nhialic thīn ē Wēi Nhialic tōōη.

19 Kēya, wek kōc cie kōc Itharel, wek aacī ben aa lēei ēmēn, wek aa tōk kek kōc cī Nhialic lōc. Wek aa many tōη ē Nhialic.

20 Ku week aya, wek aacīt γōn cī atuuc ku kōc kāk Nhialic tīη jōk cōk, ku Jethu Krītho yen ē mēn.

21 Raan cī lōc ku dōc yen ē kē cī buth cōl akāac ke ye tōk ku bī ya γōn Bēny.

22 Ku rin ye wek tōk kek ye, week aya wek kōc kōk, wek aacīt kē buth bī Nhialic a rēer thīn ē Wēike.

### 3

#### *Luoi Paulo rin kōc cie kōc Itharel*

1 Rin cī Nhialic ye looi bī kōc Itharel ku kōc cie kōc Itharel mat bīk aa tōk, rin dhēēηde tēnē kōc cie kōc Itharel ke γen Paulo, raan cī mac rin wēt Jethu Krītho ē riēnkun, γen ē rōōk tēnē Nhialic.

2 Acāk piη lōn cī Nhialic γa lōc ē dhēēηde ba luoi kēnē looi.

3 Nhialic acā nyuōth kēden cī guuir, cīn raan ηic ye thēer, athōr wāār ca gōt ke ciek.

<sup>4</sup> Ku na kuenkë kāk ca gōt, ke wek aabī kāk njɛc ke rin Raan cī lɔc ku dɔc deet yiic.

<sup>5</sup> Kāk cīn raan njɛc ke thɛɛr, cīmēn cī Wēi Nhialic ye nyuōth atuuc ku kɔc kāk Nhialic tīn ɛmēn.

<sup>6</sup> Kēya, kē cī moony akīn, rin wēt puōth yam, kɔc cie kɔc Itharel aabī dɔc Nhialic yōk kek kɔc Itharel cī gam. Keek aabī ya kac tōk ku rɔmkē kē cī Nhialic thōn kɔc Itharel rin Raan cī lɔc ku dɔc.

<sup>7</sup> Kēnē, yen ɛ Wēt Puōth Yam ya lēk kɔc. Nhialic acā gām luoi ye ɣɛn Wēt Puōth Yam luɛɛl riɛl ɛ dhɛɛnde.

<sup>8</sup> ɣɛn atō ciēn kɔc ɛ Nhialic cōk ɛbēn, ku Nhialic aŋot cā yiēk ɛ luoi kēnē, ba kɔc cie kɔc Itharel lēk kāpuōth juɛc cīn thook akeu ye Raan cī lɔc ku dɔc gam. Kāpuōthkā aa dīt tēnē kāk ye deet yiic.

<sup>9</sup> Acā yiēk luoi ba tēt kɔc ɛbēn tē bī yen kēden cī guuir cīi njɛc, thāap thīn. Ku Nhialic yen cak kəriēɛc ɛbēn, ɛcī kēnē moony tēnē kɔc thɛɛr wāär.

<sup>10</sup> Acī looi kēlä ɛmēn dhɛl akut kɔc cī gam nyuōth atuuc nhial, kek bānyken la riɛl nhial, bik njīɛc kānde cī nyuōth rin kē cī looi tēnē ke njɛc.

<sup>11</sup> Acī Nhialic tak ku looi kēya thɛɛr kēc yen piny ku nhial cak. Ku ɛ looi ɛ rin Jethu Krītho Bānyda.

<sup>12</sup> Rin cī ɣok ye gam ku ɣok aa tōk ke ye, aabī ɣok la tēnē Nhialic ɣo cīi riɔc.

<sup>13</sup> Kēya, wek aa lēk bāk puōth cīi bath cɔk amēn guum ɣɛn ɛ riɛnkun, guōmdiɛ yen abī ya riɛldun.

### *Nhiɛr Raan cī lɔc ku dɔc*

<sup>14</sup> Rin ɛ wēt kēnē, ɣɛn ɛ ɣanhial guōt piny Nhialic Wāda nhom ku rōök ɛ riɛnkun.

<sup>15</sup> Kōcken tō nhial ku kɔc tō piiny aa mac thok rin yen ɛ Wāda ɣodhie.

16 Yen ala riel ku dɔc juɛc ye gäm kacke. Këya, aya thiëc bī we yiək riel ë Wëike bāk puəth cīi kɔc.

17 Ku ɣen ë rōök bī Raan cī lɔc ku dɔc rëer wepuəth athɛer rin cī wek ye gam. ɣen ë rōök aya bī tē nhiɛer wek Nhialic thīn, ku tē nhiɛer wek rōt thīn ë kamkun we cɔl aril. Na luɔikë këlä ke wek aa cīt tim cī mēike ɣet piny, ku ɣön buth cī ɲiɛc jɔək cök.

18 Ku dhël kënë, week ku kɔc ë Nhialic abäk jäl ɲic yen tē nhiɛer Raan cī lɔc ku dɔc we thīn. Anhiar ɣo apei nhiër cīn thok akeu.

19 Na cɔk ciën raan ɲic ye ayic yen tē nhiɛer Raan cī lɔc ku dɔc ɣo thīn, ɣen ë Nhialic thiëc bāk ɲic. Ku bī tē ye wek luui thīn ciët tē ye Nhialic luui thīn.

20 Nhialic ala riel yen käh looi wär käk yeku ke thiëc ku käk yeku ke tak, ku aaye ke looi rielden lui ɣopuəth.

21 Lecku Nhialic rin kăpuəth cī looi rin akut kɔc cī gam ku rin Jethu Krītho. Lecku akölriëc ëbën! Yenakan.

## 4

### *Mën yic kɔc cī gam tënë guöp Jethu*

1 Rin kë wīc Nhialic bī looi, ɣen raan cī mac rin looi ɣen wët Bëny, wek aläh bāk ɲiɛc luui dhël path, dhël yen cī Nhialic we cɔl.

2 Yakë kāk yakë ke looi ëbën looi dhël athëk ku lier ë puəu, ku yakë kɔc ɲiɛc ciëëɲ. Nhiarkë rōt ku yakë käreɛc päl piny ë kamkun.

3 Wëi Nhialic acī we mat yiic, themkë bāk la dōör ë kamkun bāk aa kac tōk.



<sup>4</sup> ʏook ëbën, ʏok aa thön̄ kek käk tō guöp̄ tōk yic, ku ʏok aa la Wëi Nhialic thön̄ ciëŋ ke ʏo. ʏok aa n̄öth d̄oc cī Nhialic th̄on ke bī gām kacke, rin Nhialic acī ʏo c̄oal ëbën buk aa kacke.

<sup>5</sup> ʏok aa la Bāny tōk ku gam tōk, ku ʏok aacī l̄ök ë wëi tōk ʏök ëbën.

<sup>6</sup> ʏook ëbën ʏok aa Nhialic tōöŋ door, ku yen ë Wāda ʏodhie. Yen am̄ε ʏo ku ë luui ʏopuöth ëbën, ku aciëŋ kek ʏo ëbën.

<sup>7</sup> Raan cī l̄oc ku d̄oc acī raan ëbën ë kamkua ʏiëk rielden bī yen aluui. N̄ek acī ʏiëk rielde cīt tē cī Raan cī l̄oc ku d̄oc ke tek th̄in.

<sup>8</sup> Acī ḡöt athör theer wël Nhialic yic ëlä, “Acī la nhial, ku looi jakr̄εc b̄ik yeen buöth cök, cimën raan cī d̄om ë t̄öŋ yic, ku tek k̄apath t̄enë kuat raan ëbën.”

<sup>9</sup> Tē lueel ye ëlä, “Acī la nhial.” W̄etde yic yenö? W̄etde yic aye lueel l̄on cī Raan cī l̄oc ku d̄oc kaŋ b̄en pinynhom ë t̄en.

<sup>10</sup> Raan cī b̄en pinynhom ë t̄en yen ee raan tōöŋ cī b̄en dhuk nhial, pan Nhialic, ku bī r̄eer kek k̄eriëc ëbën pinynhom.

<sup>11</sup> Ee yen Raan cī l̄oc ku d̄oc yen ë ḡem miöc t̄enë k̄oc. Acī k̄oc k̄ök looi b̄ik aa tuööcke, ku k̄oc k̄ök aacī looi b̄ik aa k̄oc käk Nhialic t̄iŋ, ku ye k̄oc k̄ök wël ë Nhialic l̄ök k̄oc, ku ye k̄oc k̄ök abiök k̄oc cī gam ku piööckë ke.

<sup>12</sup> Acī k̄enë looi rin bī k̄ockä, k̄oc ë Nhialic, guiir b̄ik luui t̄enë ye ku b̄ik aakuut k̄oc cī gam, yen guöp̄ Raan cī l̄oc ku d̄oc la t̄uen̄ ke ril.

<sup>13</sup> Ku k̄elä, ʏok aabī mat ʏiic buk aa tōk ë gam bī ʏok Nhialic ku W̄ende ŋic. Ku j̄olku aa k̄oc cī gam cī

nhüim bak, ku yok aabi jäl la cök cümën Raan cī lōc ku dōc.

<sup>14</sup> Ku yok aacie kōc bī ben ciēt mīth. Ku yok aacīi kōc kāk lueth piōōc bī ben duōōŋ buk luethken gam, yok aacīi bī ya wel nhüim cümën riäi, wël lueth ē path.

<sup>15</sup> Yok aa dhil yic aa lueel ke yo la nhiër. Ku kälä yok aabi la tuen ke yo cīt Raan cī lōc ku dōc yen wat akut kōc cī gam nhom.

<sup>16</sup> Raan cī lōc ku dōc, ee kacke mat yiic cümën ye rël yom thook guöp ē raan nuēt yic bī ya tōk. Na loi guöp abak luōide cīt tē dhil yen luui thīn, ke guöp ēbën ala tuen ke cil ke ril. Yen ē tēn akut kōc cī gam. Na nhar kōc akut rōt ku loikē luōiden, ka akut ala tuen apath ē riël Raan cī lōc ku dōc.

### *Yok aa dhil piërda waar yic*

<sup>17</sup> Rin ē wēt kënë, alēk we rin Bēny duōkkē ben aa luui cümën kōc kuc Nhialic. Kāk yekē ke looi aacie kāk ke kony.

<sup>18</sup> Aacie yic ye deet. Acīn pīr yam ye Nhialic gām kōc, rin keek aa ril nhüim, ku këya aa kuc dhël ē Nhialic.

<sup>19</sup> Aacie gup ē yār tē cōk kek käreec looi, rin aa kepuōth yiēk kāk wīc guäpken. Kāk yekē ke looi ēbën aa kāk ē bal ku aacie kōōc luōi ē kākka yiic.

<sup>20</sup> Yen ē tē wiēc bī wek cūi la thīn, rin acie yen tēwäär cī we piōōc thīn rin Raan cī lōc ku dōc.

<sup>21</sup> Ee yic, wek aaci wētde piŋ, ku wek aa we cī piōōc rienke, tē cīt tēn yiny rēēr kek Jethu.

<sup>22</sup> Wek aaci piöc bak tädun ye wek luui thïn theer puöl. Käkkun ke yakë ke looi aake ci we muör ku räckë we.

<sup>23</sup> Emën, calkë röt aa weer Nhialic puöth ku bäk ya tak tēj ë yam.

<sup>24</sup> Nhialic aci we gam ciεεη ë yam cit këde. Këya, yakë ciεη ë ciεεη këne. Ciεεη këne ala cök cit tē ye yic rin Nhialic piöc thïn.

<sup>25</sup> Këya, duökkë lueth ben aa lueel. Njek adhil yic alëk mäthden ci gam, rin yok aa cit käk cii thöη rëër ë guäp tök yic.

<sup>26</sup> Na cak alon ci yin puöu riääk, ke yi duk adumuööm loi. Duk rëër kek riääk ë puöu abä aköl lööny piny.

<sup>27</sup> Rin bi jöηrac yi cii thel adumuööm yic.

<sup>28</sup> Na le raan ye cuär theer kamkun ka cii ben cuëër, adhil luui ë köηde bi rot muk ku kony kəc ηöη aya.

<sup>29</sup> Pälkë kuöc jam. Yakë ke lueel wël kəc cöl aril puöth gamden yic. Yakë ke lueel wël nhiar ke bi ke piη, rin bi yin kəc la kë lëk ke, kony.

<sup>30</sup> Muk yinhom bi ciën kë lueel bi Wëi Nhialic cöl arem puöu, Wëi ci Nhialic gam yi. Nhialic aci gam Wëi ye nyooth lon ë yin këde, ku Wëi Nhialic abi rëër kek yi yet aköl lundit bi Nhialic yi kony tënë jöηrac.

<sup>31</sup> Duökkë kəc kök ye maan ku duökkë puöth ye riääk. Duökkë ye göth ku läatkë kəc, tädë ke we loi käk cii path.

<sup>32</sup> Rëërkë apath ë kamkun. Ku yakë käreç päl piny tënë kəc kök cimën ye Nhialic ke päl piny tënë

we rin Raan cī lōc ku dōc.

## 5

### *Pīr rēēr ruelyic*

<sup>1</sup> Kēya, wek aa dhil luui cīmēn Nhialic rin ye wek mīthken nhiēer apēi.

<sup>2</sup> Nhiarkē kōc kōk cīmēn nhiēer Raan cī lōc ku dōc yō. Cīmēn cī Jethu ye nyuōōth lōn nhiēer yen yō, rin cī yen thou bī yō luōk. Kē cī looi, acī Nhialic cōl amit puōu rin cī yen rot juēr Nhialic.

<sup>3</sup> Wēt ye wek kōc ē Nhialic acīi path bī wīc wīc ē diäär, ku kāk kōc cōl ayār gup, ayī kook aa piēŋ wegup.

<sup>4</sup> Jam la bīth ku buro rac aacīi path. Anjuēēn bāk Nhialic aleec rin kāk ye ke looi tēnē we.

<sup>5</sup> Dhielkē ŋic lōn acīn raan wīc ē diäär ayī raan ē luui kāk kōc cōl ayār gup, ku raan dēt kok lēu ye bī la bääny Raan cī lōc ku dōc kek Nhialic ē yic, ku yōk kāpuōth cī Nhialic thōn kōc. Raan kok acīt raan ē jak cī kiēēt door.

<sup>6</sup> Duōkkē rōt cōl ameth ē nyīn wēl cīi path ye kōc kōk lueel. Nhialic abī kōc cīi wētde ye piŋ, kōc luui ē kārečkä tēm awuōc.

<sup>7</sup> Kēya duk ye mat kek kōc luui ē kārečkä.

<sup>8</sup> Rin wek aa we rēēr ē muōōth yic. Ku ēmēn wek aacī rōt mat kek Bēny, wek aacī la ē ruel yic. Kēya, yekē luui cīmēn kōc tō ē ruel yic.

<sup>9</sup> Yēn aluel kēnē rin kōc tō ruel yic, kōc ŋic Nhialic, aaye ruel cōl alir puōth ku loikē kēn ē yic.

<sup>10</sup> Themkē bāk kāk Bēny cōl amit puōu ŋic ku luōikē ke.

11 Duökkë ye luui kāk ye kōc tō muösth yic looi, kōc kuc Nhialic. Nyuöthkë ke lōn kākä aaciī path.

12 Kāk ye ke looi ke cie tīŋ, aa rēc apēi ka ye jamden kōc rac gup

13 Tē bīi kāŋ tēyer, ke kōc aa tīŋ tē rēc kākä thīn,

14 rin ē ruel yen ē kēriëc ebēn cōl atīŋ. Yen aci ye lueel elā, “Pääckē nīn yic, jatkē rōt rēŋ yiic ku Raan cī lōc ku dōc abī ruel wegup.”

15 Tiēŋkē piērdun apath. Duökkē pīr ē pīr kōc kuc Nhialic, calkē rōt aaye kōc ŋic kāŋ.

16 Kuat tē bī yīn ye yōk ba kēpath looi thīn, ke loi, rin kōc aa loi kāk cīi path emēn.

17 Duökkē lui ē luoi kōc cīnkē ŋickē, ŋiæckē kē wīc Bēny ku yen luoi kē.

18 Duökkē ye dek ē mōu, mōu ē kōc rac. Calkē Wēi Nhialic piērdun yic akōlakōl.

19 Ketkē waak ē Nhialic cī gōt athōr waak yic ē kamkun. Ketkē wak wēi bāk Bēny leec ē piāthkun ebēn.

20 Yeku Nhialic Wāda leec akōlakōl rin Bānyda Jethu Krītho, kuat kājuēc yeku ke looi yiic.

21 Yakē rōt theek ē kamkun rin riöc wek Raan cī lōc ku dōc.

### *Diäär ku Röö*

22 Wek diäär, thekkē rōrkun cīt tē ye wek Bēny theek thīn.

23 Rin moc yen ē tik wat nhom, cimēn ye Raan cī lōc ku dōc akut kōc cī gam wat nhom. Raan cī lōc ku dōc yen aluāŋ akut kōc cī gam, yen guāpde aya.

24 Kēya, diäär aa dhil rōrken theek cimēn ye akut kōc cī gam Raan cī lōc ku dōc theek.

<sup>25</sup> Wek rōör wek aa dhil diäärkun nhiaar cīmēn nhiēer Raan cī lōc ku dōc akut kōc cī gam arēk abī thou riēnke.

<sup>26</sup> Acī thou rin akut kōc cī gam bī rēer ke dhēēŋ Nhialic. Ku lōk kegup pīu ē Nhialic pīu ē lōk wēi ku wētde.

<sup>27</sup> Acī kēnē looi rin bī yen kacke kōc cī gam, wuōōny gup wei kāreç ku bīi ke yelōōm. Ku akēc wīç bik gup la adumuōōm.

<sup>28</sup> Cīt ē kēnē aya, rōör aa dhil diäärken nhiaar cīmēn nhiēer kek rōt. Na nhiar moc tiēŋde, ka thōŋ kek lōn nhiēer yen rot.

<sup>29</sup> Acīn raan man guäpde, raan ē mīth ku tiit guäpde, cīmēn ye Raan cī lōc ku dōc akut kōc cī gam tiit,

<sup>30</sup> rin çok akut kōc cī gam, çok aa guäpde.

<sup>31</sup> Cīmēn cī ye gōt athōr thēer wēl Nhialic yic ēlä, “Moc abī wun ku man nyäāŋ piny ku mēt rot kek tiēŋde, ku keek karou aabī ya tōk.”

<sup>32</sup> Wēlkä aa la yiic yinydīt apēi, ku aa jam tē ye Raan cī lōc ku dōc tōk thīn kek akut kōc cī gam.

<sup>33</sup> Ku wēlkä aa jam riēnkun aya, moc adhīl tiēŋde nhiaar cīmēn nhiēer yen rot, ku tik aya adhīl muōnyde theek.

## 6

### *Mīth ku kōc ke dhiēth ke*

<sup>1</sup> Wek mīth, wek aadhīl kōc ke dhiēth we theek, rin yen ē kēpath lēu bī raan looi rin Bēny.

<sup>2</sup> “Thek wuur ku moor,” Kēnē yen ē lōŋ tuēŋ cī bēn kek athōn,

<sup>3</sup> athön akîn, “Na loi kënë, ke yîn abî käjuëc path ya yök, ku thiei yî ba nîn juëc nök pinynhom.”

<sup>4</sup> Kəc ke dhiëth duökkë miëthkun ye luöi kək bi ke rac puöth. Muökkë ke ku piööckë ke dhël cî Bëny gam.

### *Aloony ku Bäny*

<sup>5</sup> Aloony, thekkë bänykun muk we pinynhom ë tën, riääckë ë ke ku thekkë ke piändun ëbën ciët we luui Raan cî ləc ku dəc.

<sup>6</sup> Yakë luui ë puön yer tē cək kek cii daai we. Loi luoidu puöu ëbën cît tē wïc Nhialic ye thîn, rin yîn alony Raan cî ləc ku dəc.

<sup>7</sup> Na cək alən ye yîn alony, lui puön yer bi ciët Nhialic yen luöi.

<sup>8</sup> Njic yînhom lən bi Nhialic raan ëbën yiëk këde, alony ku raan cie alony, rin kăpuöth ye looi pinynhom.

<sup>9</sup> Wek kəc mac aloony, wek aadhil luui ë dhël tööŋ yic, ku duökkë ke ye riääc ë nääk, muökkë wenhüim lən week ëbën, aloony ku week, bënydun ë tək nhial, raan bi luk looi kamkun ëbën ke cîn raan ŋuëën.

### *Təŋ tənë Jəŋrac*

<sup>10</sup> Wët jəl lək we ciëen akîn, lömkë riel tənë Bëny bək riel ë ye, rin rielde adit apəi.

<sup>11</sup> Lömkë kək cî Nhialic gäm we bi wek röt kony, bək käjuëc ye jəŋrac we ruëëny göök.

<sup>12</sup> Rin yök aacii thär kek kəc cît yə, yök aa thär kek jakrəc rëër ë muöth yic kek bänyken, ku riel ë jəŋrac tō nhial.

<sup>13</sup> Këya, rin ë wët kënë lōmkë kāk cī Nhialic gām we bī wek tōŋ thōr. Na akōl le jōŋrac bēn, ke we tit rōt ye akōlriëc ëbēn. Ku na cāk tōŋ jōŋrac göök kēriëc ëbēn yic, ke wek aabi dōŋ we ril.

<sup>14</sup> Lōmkë yic bī wek rōt guiir ë tōŋ. Ku luōikë kē la cōk ke cīt alanh dhie ye raan yeyic duut tē le ye tōŋ.

<sup>15</sup> Rēērkkē ke we ye kōc lēk Wēt Puōth Yam ë dōōr bēēi tēnē kōc. Ku yen abī ciēt lōn cieŋ wek war ril apēi wecōk.

<sup>16</sup> Dēt akīn, gamkē Jethu Krītho. Gamdun abī ciēt kōn ye wek wieth dēp ye jōŋrac we moc jōc yiic.

<sup>17</sup> Njēckē alanden lōn cī Nhialic we luōk, acīt lōn dhie cieŋ raan akuāma yenhom tōŋ yic, bī cīi yup nhom. Lōmkë wēt ë Nhialic ë bēn tēnē Wēi ke cīt tōŋ ye muk.

<sup>18</sup> Yakē lac rōök cīt tē ye Wēi Nhialic we cōk puōth thīn. Ku thiēckē Nhialic bī we kony kēriëc ëbēn yiic. Yakē wepuōth cōk tē rōök wek ku duōkkē thōr. Yakē rōök akōlakōl rin kōc ë Nhialic.

<sup>19</sup> Rōōkkē ë riēnkiē, ku lōn bī Nhialic ya gām wēl la cōk ba lueel tē le ŷen wēt ë Nhialic lēk kōc ke ya cīi riōc.

<sup>20</sup> Jethu Krītho acā lōc ba ya atuōnyde ba kōc lēk Wēt Puōth ë Yam, ku ë yen wēt cī ya mac. Këya, rōōkkē ku thiēckē Nhialic bā gām riel ba wētde lēk kōc ke cīt yiny dhiel looi ke cīn riōc.

### *Muōth ciēn*

<sup>21</sup> Tikuth, wāmāāthdan cī gam nhiarku, ku yeen alui apath rin Bēny, abī we lēk wēl ë yam riēnkiē ku bāk kē luōi njic.



<sup>22</sup> Yen atuöc we ku bi we la lëk kë loi rot tënë yo, ku deet wepuöth aya.

<sup>23</sup> Bi Nhialic Wäda ku Bänyda Jethu Kritho we yiëk döör, wek kəc cï gam. Ku bik we cäl anhiar röt ë kamkun ku muökkë gamdun.

<sup>24</sup> Bi Nhialic dhëënde nyuöth kəc nhiar Bänyda Jethu Kritho kek nhierden cïn thok akeu.

**Lëk yam**  
**New Testament in Dinka, Southwestern (SU:dik:Dinka,**  
**Southwestern)**

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

**Copyright Information**

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dinka, Southwestern

**© 2006, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55